

# Ni gute wosukura isoko ryawe

Mukakaro 2024



Kurikiza izi ntambwe kugira usukure isoko ryawe nimba bagiteri zoba zarabonetse mu mazi yawe, isoko ryawe ryarasanuwe, canke nimba ahaca amazi hararengewe n'umwuzure canke haranduye.

## Imbere yo gusukura isoko ryawe

Raba n'amaso ukuntu ryubatse kandi ukore isanura iryo ariyo ryose.

- Rondera kandi ukosore inkomoko iyariyo yose yanduza bagiteri mu micungararo y'isoko ryawe, imigaga iboneka, ibizibira ku muryango canke kw'isohokero, imicafu iri imbere mu gisandugu c'intsinga, imifuniko itugaye neza, canke ibifatanya imiringoti bidafata, n'ibindi.

Ni wiyumvire ingene wopima nitrate na chloride kugira ngo bifashe kumenya iyo bizanana.

- Ikinogo kijamwo imyanda yo mu nzu canke iyororero riri hafi bishobora kuba ariyo soko ryo kwandura.

Voma amazi ahagije ashobora kumara ikiringo c'iminsi 3 gushika kuri 5.

- Shusha ikiringo c'umunota umwe amazi ayo ariyo yose akoreshwa mu kunyobwa, guteka, kuronga imfungurwa, kwoza amenyo canke gukora ibarafu canke amata y'umwana. Urashobora kandi kuronka canke kugura amazi avuye mu rindi soko ryizewe. **Menya neza: amazi ashuhije arashobora kubamwo ibindi vyanduza nka nitrate, mw'isoko ryawe.** Shusha amazi yawe gusa, mu gihe uzi ko ata bindi vyanduza biri mu mazi yawe.

Ugurura ahazanana amazi hose nimba amazi aboneka ko adatonganutse canke yuzuyemwo imicafu.

- Ugurura ibombo ryo hanze hanyuma wugunuze icababa ubunini bw'iriba ryawe. Ni wirinde gukura amazi mw'iriba ryawe mu gihe ryumye, ivyo bishobora kuryonona no gutuma amazi yawe yandura.

## Intabwe ku yindi zo gukurikiza mu gusukura isoko ryawe

Uzoza urongereza utumanyu twa calcium ya hypochlorite hamwe na chlorine ubwo nyene mw'isoko ryawe. Amazi arimwo chlorine azoheza atembere mu miringoti no mu mabomba yo mu nzu yawe.

1. Comora canke uzimye ibikoresho vyose vyo gusukura amazi, nk'umuti worosha amazi canke ivyuma vyo kuyungurura amazi, kuko Javel irashobora kuvyonona. Uzokenera gusukura ivyo bikoresho mu buryo butandukanye wisunze amategeko y'uwabikoze.
2. Egeranya ibikoresho bikenewe: ibirato vy'intoke, ibikingira amaso, Javel yo mu rugo udafise imibavu kandi ataco yongewemwo, utumanyu twa calcium ya

hypochlorite ( bitarimwo umuti wica ifira, chlorine igumiza ku rugero rumwe, ubumara n'iyindi miti yo kwica imicafu), indobo ipima galo 5, uburoso butoya, umuringoti wo kuvomera, n'igikombe co gupima. **Ambara ibirato vy'intoke vy'a parasitike n'amarori akingira amaso iyihe cose uriko urakoresha Javel.**

3. Gumiza abana n'ibikoko kure y'ico kibanza, cane cane kure y'amazi ya Javel na Chlorine. Nimba ikorana n'ipompo, zimya umuyagankuba uja kw'impompo.
4. Harura igitigiri c'imiti yica imicafu uzokenera kw'isoko ryawe. Koresha utumanyu twa hypochlorite ya Calcium inyaruka kuyonga ku rugero rwa 65-70% (idafise ivyongwemwo). Gereranya urugero rw'amazi aja mu gikono c'isoko. Uzokenera ounces 3 z'utumanyu ku ma galo 100 y'amazi. Ku bisandugu vyinshi vy'amasoko, imetero 2 z'uburebure na galo 100 z'amazi, ariko ushobora kuba ukeneye guhindura ibi biharuro ufatiye kw'isoko ryawe. Imetero kibe imwe y'amazi ingana na galo 7.5. Intumbero ni uko amazi ashika ku rugero rwa chlorine ruri hagati ya 100 na 200 ppm.
5. Oza neza igikono c'isoko ukureyo n'amazi kandi ukureyo imicafu n'umusenyi. Nyukura imbere mu gikono c'isoko ukoresheje Chlorine ikaze (1/2 y'igikombe ca Javel ata mibavu irimwo uvanze muri galo 5 z'amazi.
6. Reka isoko ryuzure amazi meza. Ongerako ounces 3 (amagarama 85 ) z'utumanyu twa hypochlorite za calcium kuri galo 100 z'amazi mw'isoko. Guma wuguruye akaringoti gasohora amazi.
7. Ja kw'ibomba ryo mu nzu iwawe riri kure y'ikinogo uvuye kw'isoko hanyuma wugurure amazi akanye kugeza aho uzokumva akamoto ka Javel. Ugara ibomba, hanyuma ukore uko nyene ukoresheje amazi ashushe. Subiramwo iyo ntambwe ku mabomba yose, ayo hejuru, uwogero, mu kazu ka surwumwe n'amabomba yo hanze. **Kura ku mabomba yaye utuntu twose tuyungurura umucafу kubera ko dushobora kuzibirwa n'ubucafу bwagiymwo iyihe c'ibikorwa vyo gusukura.**
8. Gumiza amazi ya Chlorine mw'ibomba n'imiburiburi amasaha 8, ariko bitarenze amasaha 12, kugira Chlorine ironke umwanya wo kwoza neza imiringoti yaye. Mu gihe igipimo c'umuvuduko kiri hejuru cane kugira Chlorine igumeho mu kiringo c'amasaha 8 kugeza ku masaha 12, koresha itangi kugira ubandanye urungika Chlorine mu gikono c'isoko n'imiburiburi amasaha 8.
9. Inyuma y'amasaha 8 kugeza kuri 12, ugurura amazi kugeza utacumva akamoto ka Javel. Tangurira kw'ibomba ryo hanze. Fatanya n'umuringoti usohora amazi kugira amazi atembere mu rucekeri canke mu vyatsi kure y'ibinogo bijamwo imyanda ivuye mu nzu canke iyindi migende. Gusuka amazi menshi ya Chlorine mu kinogo kijamwo imyanda yo mu nzu bishobora kuconona. Ushobora kuba ukeneye kwugurura amazi buke buke canke kwugara ibomba rimwe na rimwe kugirango iriba rishobore kwuzura kugira ntirikame.
10. Ugunyuza amabomba yo mu nzu mu kwugurura amazi ashushe n'ayakanye kugeza utacumva akamoto ka Javel.

11. Kuraho, sukura, hanyuma usubirize imiringoti iyo ariyo yose kw'ibombo ryawe kuko irashobora kuzibirwa n'umucafу wagiyemwo mu gihe co gusukura.
12. Subira upime amazi yawe inyuma y'iminsi 2 kugeza kuri 3 akamoto ka Chlorine gaheze. Tumako ibikoresho vyo gupima bagiteri (Kit A) biva mu gisata c'amagara y'abantu gipima indwara. Ushobora gushaka gusubira gupima inyuma y'indwi 2 kugeza kuri 4 kugira umenye neza ko bagiteri zitabandanya kwinjira mw'isoko. Sukura amabomba ukoresheje alukore n'ipampa imbere yo gufata ishantiyo.
13. Shishikara gushusha amazi yawe canke uronke amazi avuye mw'isoko ryizewe kugeza ata bagiteri zikiboneka.

### Ayandi makuru

- Genda kuri [HealthVermont.gov/water/coliform-bacteria](http://HealthVermont.gov/water/coliform-bacteria) (umuhora uri mu Congereza)
- **Ibibazo?** Hamagara umugambi w'amazi yo kunywa kuri 802-489-7339

Kirundi